



## BASES PREMIOS YOUTUBEIR@S 2020

### 1 . OBXECTIVOS

Os premios Youtubeir@s teñen como finalidade animar a creación de vídeos con temáticas e formatos diversos e sumar visibilidade á produción en galego e á comunidade youtubeira.

### 2 . PERSOAS DESTINARIAS

Poden optar a estes premios todas as persoas maiores de 14 anos con vídeos auto-producidos subidos a Youtube. Pódese participar cun vídeo, con varios vídeos e/ou cunha canle. No caso de que a persoa participante sexa menor de idade, esta inscrición irá acompañada da autorización do/a pai/nai ou titor/a legal mediante o documento que se facilita na web do proxecto Youtubeir@s ([www.youtubeiras.gal](http://www.youtubeiras.gal)).

### 3 . CARACTERÍSTICAS E CONDICIÓNS DOS VÍDEOS E CANLES

- Todos os vídeos inscritos teñen que estar publicados con data posterior ao **27 de setembro de 2019** na plataforma de vídeos Youtube, sen restricións de privacidade e cos cancelos **#youtubeiras #youtubeiros** na descrición do vídeo.
- No caso de presentar unha **canle**, esta ten que conter cando menos **5 vídeos** realizados con data posterior ao **27 de setembro de 2019**, estar en **galego** e ter na descrición os cancelos **#youtubeiras #youtubeiros**, sen restricións de privacidade.
- Os vídeos individuais que sexan presentados a Youtubeir@s teñen que estar integramente en galego.
- As canles de Youtube presentadas deben ter a maioría dos vídeos en galego.
- Os títulos dos vídeos, as descricións e os subtítulos permanentes (de habelos) teñen que estar en galego.
- Os vídeos poden conter subtítulos de activación opcional no Youtube noutras linguas.
- Fican expresamente excluídos os traballos que promovan unha mensaxe violenta, denigrante ou ofensiva.

## 4 . INSCRICIÓN E PRAZOS

O prazo para inscribir os vídeos e canles no Premios Youtubeir@s é do **27 de maio de 2020 ao 23 de outubro de 2020 ás 23.59 h.** A participación está aberta ao ámbito internacional e é de balde.

As persoas participantes deben inscribirse a través do formulario que figura na web [www.youtubeiras.gal](http://www.youtubeiras.gal)

Cada creador/a pode inscribir tantos vídeos ou canles como desexe.

## 5 . PREMIOS

Establécense **12 premios:** 3 principais, valorados en 1000€ cada un; e 9 premios de 500€ cada un. Un total de **7500 € en premios.**

- **CANLE**, premio dotado con **1000 €**. Optan a este premio as canles presentadas.
- **YOUTUBEIR@**, dotado con **1000 €**. Optan a este premio creadores e creadoras das canles presentadas. Valorarase a calidade dos contidos, a calidade técnica e lingüística, a eficiencia comunicativa, a creatividade, a capacidade de creación de comunidade e a repercusión dos contidos creados.
- **VÍDEO**, dotado con **1000 €**. Optan a este premio os vídeos presentados. Valorarase a calidade dos contidos, a calidade técnica e lingüística, a eficiencia comunicativa, a creatividade e a repercusión do vídeo.
- **CALIDADE LINGÜÍSTICA**, dotado con **500 €**. Optan a este premio os vídeos e as canles presentadas. Valorarase a calidade e o coidado da lingua (en todas as súas variantes dialectais) a nivel fonético, gramatical e lexical.
- **IMPACTO**, premio dotado con **500 €**. Poden optar a este premio os vídeos e as canles presentadas e valorarase a repercusión dos contidos.
- **CALIDADE TÉCNICA**, premio dotado con **500 €**. Poden optar a este premio as canles e os vídeos presentados que destaquen por aspectos como a imaxe, o son, a montaxe...
- **COMUNICACIÓN**, premio valorado con **500 €**. Optan a este premio os vídeos e as canles presentadas que mellor transmitan a súa mensaxe aproveitando todos os recursos da linguaxe a audiovisual e os recursos do propio Youtube.
- **CREATIVIDADE**, premio valorado con **500 €**. Optan a este premio os vídeos e canles presentadas. Valorarase o uso dos recursos creativos e a capacidade de xerar novas ideas, formatos e contidos.

- **MUSICAL**, premio valorado con **500 €**. Optan a este premio os vídeos musicais (creación propia, *covers*, versións, *flashmob*...) e canles musicais compostas unicamente por este tipo de pezas.
- **DIDÁCTICO**, premio valorado con **500 €**. Optan a este premio vídeos e canles con contidos didácticos e explicativos, útiles para a docencia e a divulgación.
- **PIONEIRO**, premio valorado con **500 €**. Este premio pode ser outorgado a un vídeo ou a unha canle. Valorarase o feito de que introduza a lingua galega nun campo no que é pouco usada.
- **DO PÚBLICO**, valorado con **500 €**. Este premio outorgarase ao vídeo máis votado proposto polo público. Resultará gañador aquel vídeo que despois dun proceso de votación na Rede e a ratificación do xurado, consiga máis votos. Publicaranse estas bases específicas na web do proxecto.

Todos os vídeos inscritos teñen que estar publicados con data posterior ao **27 de setembro de 2019** na plataforma de vídeos Youtube, sen restricións de privacidade e cos cancelos #youtubeiras #youtubeiros na descrición do vídeo.

Cada persoa participante pode recibir máis dun premio e se o xurado así o considera pode haber premios compartidos.

Ningún dos premios quedará deserto.

As contías serán únicas e estarán suxeitas ás retencións correspondentes conforme a lexislación tributaria.

## 6 . FALLO DO XURADO

O xurado con voz e voto estará composto por cinco persoas relacionadas co audiovisual, coa xeración e consumo de contidos dixitais e/ou co traballo na área da normalización da lingua.

O xurado valorará os seguintes criterios:

- Creatividade, innovación e calidade dos contidos. Valorarase a orixinalidade da peza a nivel visual, sonoro, do propio contido e do xeito de transmitilo.
- Creación e mantemento de comunidade: uso doutras redes sociais, coidados da imaxe e da identidade da canle, colaboracións, atención á comunidade...
- Periodicidade dos contidos: Valorarase a periodicidade na publicación dos vídeos.
- Calidade técnica da peza tanto visual como sonora.

- Eficiencia comunicativa do vídeo na transmisión do contido tanto oral como visual. Valoraranse os dotes interpretativos ou comunicativos e o aproveitamento dos recursos propios da linguaxe audiovisual e do propio Youtube e a súa capacidade de incidencia no público.
- Calidade lingüística. Valorarase o uso coidado e correcto da lingua en todas as súas variantes dialectais (calidade fonética, léxica, sintáctica etc.)
- Repecursión do contido creado.

A listaxe de finalistas publicárase con anterioridade á data de entrega de premios, ao mesmo tempo será anunciada na web e comunicada a cada participante finalista.

A resolución final do xurado darase a coñecer nun acto de entrega de premios público e aberto, que se anunciará con suficiente antelación, e ao que se comprometen a asistir as persoas finalistas.

## 7 . BASE FINAL

A organización resérvase o dereito a empregar os vídeos participantes na promoción do proxecto Youtubeir@s en todas as súas edicións.

A participación nestes premios significa a completa aceptación das bases e das decisións do xurado designado



[www.youtubeiras.gal](http://www.youtubeiras.gal)

